

Alkitab Buat Bocah Nampilin

Yesus
Guru
Keren



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: E. Frischbutter; Sarah S.


Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.





Yesus guru keren, paling bae sepanjang jaman. Orang-orang pada ngedengerin Dia. Yesus nyuruh suka ngampunin, buat bae ama kasih.





Nyeng laen bisa aja
bakalan benci ama nyakinin
mereka, tapi Allah bakalan
ngelindungin mereka.



Yesus ngajarin banyak soal. Ia bilang manusia pilihan Allah kudu nerangin dunia kaya lilin nerangin rumah. Gede banget bedanya nyeng dibuat lilin nyalah sama ruangan nyeng jumbleng.



Orang nyeng ngomong sama Yesus percaya sama pembalesan, "Mata dibales ama mata, gigi ama gigi." Tapi Yesus ngajarin kasih sayang, ngampunin ama cinta kasih, juga ama musuh.



A colorful illustration depicting a scene from the Bible. In the foreground, a man with a long black beard and white robes (Jesus) is gesturing with his right hand while speaking. In the background, several people are shown: one man in a blue robe holding a small red bowl, another man in a red robe blowing a golden trumpet, and a woman in a green headscarf and red dress. The background features yellow clouds against a blue sky.

Pada jaman Yesus, banyak orang
pada pora-pora idup sangat suci.
Pas mereka nyumbang sedekah ke
tukang minta-minta, mereka punya
orang nyeng niup trompet biar
orang laen pada ngeliat. "Kasihin
aja diem-diem, dan Allah
bakalan
ngasih

berkat
buatmu,"
bilang
Yesus.



Yesus ngajarin nyeng sama soal sembahyang. Beberapa orang sembahyang di nujung jalan nyeng rame biar orang laen pada ngeliat dan ngedengerin mereka. Mereka kaga peduli soal Allah. Mereka cuman peduli soal apa nyeng diponten ama orang laen. Yesus bilangnya pora-pora percaya - tukang tepu.



Yesus sering ngambil peribasa dari alam buat ngejelasin ajaranNya. Contohnya, Ia nunjuk ke burung nyeng terbang. "Allah Bapamu nyeng di sorga ngasih makan buat mereka," bilangNya. "Jangan kawatir. Allah juga nyeng bakalan ngasih kamu makan."



"Sampe-sampe Raja Salomo kaga punya jubah nyeng
mentereng kaya kembang bakung", lanjut Yesus.
"Kalo Allah ngedandanin rumput di kebon, apa Ia
kaga bakal ngedandanin kamu juga?"



Yesus lagi ngajar orang-orang buat percaya pada Allah nyeng terus-terusan nyukupin keperluan kita.



"Kalo kamu ngehakimin
sodaramu, itu kaya usaha
buat ngeluarin susuhan
dari matanya padahal
kamu punya balok
kayu di matamu,"
bilang Yesus. Bisa
jadi bikin orang
nyengir. Tapi
mereka kudu
mikir soal arti
dari peribasanya.



A colorful illustration on a blue background. On the left, a person's hands are shown; one hand holds a large, round, yellowish-brown loaf of bread, while the other hand is open, palm up, as if offering it. In the center, a young boy with dark skin and short black hair, wearing a red t-shirt, looks up at the hands with a hopeful expression. He has his hands raised in front of him, palms facing up, in a gesture of supplication.

Yesus bilang
supaya orang-orang
terus-terusan minta
bantuan dari Allah.
Masa sih bapa dunia
bakalan ngasih batu
kalo anaknya nyeng
lapar minta roti?
Kaga! Mereka ngasih
barang nyeng bagus.
Allah juga ngasih
barang nyeng bagus
kepada nyeng
minta padaNya.




Yesus, guru nyeng keren,
ngingetin soal guru palsu.
"Mereka bilang guru palsu
bisa dikenalin dari cara
idup mereka."



Dalem cerita Ia bilang, Yesus ngasih tau kalo orang nyeng taat sama perentah Allah kaya orang nyeng lagi ngebangun rumah di atas batu karang. Dateng badei, pas badeinya udah kelar rumahnya masih bediri gagah.



Orang tolol ngebangun rumah di atas pasir. Kalo badei dateng dan ngantem dia, rumahnya bakalan rubuh brantakan karena fondasinya kaga kuat. Yesus bilang kalo orang nyeng kaga taat sama perentah Allah bakalan kaya orang nyeng tolol.



Orang orang pada mlongo sama omongan Yesus. Mereka kaga pernah ngedenger nyeng kaya gitu sebelonnya. Sekarang mereka ngarti kalo kaga cukup cuman ngedengerin omongan Allah. Mereka kudu nurutin saban ari.



Yesus Guru Keren

Sebuah cerita dari perkataannya Tuhan, Alkitab

Ditemuin di

Matius 5 - 7, Lukas 6

"Palang pintu Firman Engkau ngasih terang."
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

